

## AUGLÝSING

um breytingar á reglum nr. 529/1996 um innkaup og sölu tóbaks  
og skilmálum í viðskiptum birgja.

„Um sérpantanir“ orðist svo:

ÁTVR sérpantar tóbak af frísvæði eða erlendis frá fyrir einstaklinga til eigin neyslu gegn greiðslu á 400 kr. í pöntunarkostnað sem eru óafturkræfar nema því aðeins að engin pantaðra tegunda sé fáanleg. Greiðslan er óháð magni og fjölda tegunda. Að auki greiðir sá er pantar ÁTVR tryggingarfé er nemur áætluðu cif-verði vörunnar.

Við kaflann „Skilmálar í viðskiptum við birgja“ bætist nýr töluliður er orðist svo:

10. Vindlingur má ekki gefa frá sér meira magn tjöru en 15 mgr. Frá og með 1. janúar 1998 má vindlingur ekki gefa frá sér meira magn tjöru en 12 mgr. Gert er ráð fyrir að í náinni framtíð verði leyfilegt hámarksmagn tjöru lækkað.

Reglur þessar taka þegar gildi.

Reykjavík, 20. mars 1997.

Í stjórn Áfengis- og tóbaksverslunar ríkisins.

Hildur Petersen      Árni Tómasson      Þórarinn Sveinsson.

Reglur þessar staðfestast hér með skv. 13. gr. reglugerðar nr. 607/1995 um Áfengis- og tóbaksverslun ríkisins.

*Fjármálaráðuneytinu, 25. mars 1997.*

**Indriði H. Þorláksson.**

Bergþór Magnússon.

Nr. 207

25. mars 1997

## REGLUGERÐ

um breytingu á reglugerð nr. 437/1995, um refa- og minkaveiðar.

1. gr.

1. og 2. mgr. 4. gr. orðist svo:

Þar sem umhverfisráðherra ákveður, að fengnum tillögum veiðistjóra, að veiðar séu nauðsynlegar til þess að koma í veg fyrir tjón af völdum refa og minka er sveitarstjórn skylt að ráða skotmenn til refa- og minkaveiða árlega. Svæði sem hér um ræðir eru tilgreind í 2. viðauka. Eigi fleiri sveitarfélög sameiginlegt upprekstrarland skulu sveitarfélög fela stjórn viðkomandi upprekstrar- eða fjallskilafélags umsjón veiðanna.

Telji sveitarstjórn og veiðistjóri ekki þörf á að stunda refa- og minkaveiðar á hluta þeirra svæða sem tilgreind eru í 2. viðauka er þeim heimilt með samþykki umhverfisráðherra að gera með sér samkomulag um takmörkun veiða á svæðinu.

2. gr.

1. og 2. mgr. 5. gr. orðist svo:

Á grenjatíma, sem telst vera frá 1. maí til 31. júlí, eru refaveiðar eingöngu heimilar skotmönnum sem ráðnir eru til refaveiða skv. 4. gr. Þó geta bændur og æðarræktendur eða

Endurprentað blað.

aðilar á þeirra vegum, skotið refi sem búfenaði eða æðarvarpi stafar bein hættu af. Skal viðkomandi tilkynna skotmönnum ráðnum skv. 4. gr. um slíka veiði svo fljótt sem auðið er.

Skotmenn sem ráðnir eru samkvæmt 4. gr. skulu vera til reiðu á grenjatíma ef refir valda tjóni.

### 3. gr.

1. og 2. mgr. 6. gr. orðist svo:

Telji sveitarstjórn þörf á að vinna þekkt greni eða leita áður óþekktu grenja skal haft um það samráð við veiðistjóra og skal kostnaðaráætlun samþykkt af veiðistjóra áður en aðgerðir hefjast.

Refaskyttur skulu vera vel vopnum búnað og kappkosta að vinna hvert greni á sem stystum tíma.

### 4. gr.

4. mgr. 7. gr. orðist svo:

Sveitarstjórnir skulu halda skrá yfir öll þekkt greni og er refaskyttum skylt að viðhalda henni með upplýsingum um ný greni sem þeir kunna að finna.

Afrit af grenjaskrá skal vera í vörslu veiðistjóra.

### 5. gr.

9. gr. orðist svo:

Skyld er veiðistjóra að leiðbeina veiðimönnum, sem sveitarfélög semja við um refa- og minkaveiðar, um veiðiaðferðir, veiðitækni og búnað við veiðar. Veiðistjóri skal og veita allar upplýsingar og aðstoð sem tök eru á, halda námskeið fyrir veiðimenn eftir þörfum og gera tilraunir með ný tæki og veiðiaðferðir.

Veiðimenn, sem sveitarfélög semja við um refa- og minkaveiðar, skulu í starfi stuðla að aukinni þekkingu á refum og minkum í samvinnu við veiðistjóra og láta í té sýni úr felldum dýrum sér að kostnaðarlausu, fari veiðistjóri fram á það eða aðrir sem hann samþykkir.

### 6. gr.

1. og 3. mgr. 10. gr. orðist svo:

Umhverfissráðherra ákveður árlega viðmiðunartaxta launa minkaveiðimanna og verðlauna fyrir löglega unna refi og minka. Verðlaun fyrir unnin dýr skulu aðeins greidd sé skott af hverju unnu dýri lagt fram til sönnunar. Gildir þetta jafnt um ráðna refa- og minka-veiðimenn sem aðra.

Við uppgjör skulu refaskyttur og menn sem ráðnir eru til minkaveiða leggja fram sundurliðaða reikninga og útdrátt úr dagbók þar sem skráð er hvar og hvenær grenjaleit og veiðar fóru fram ásamt upplýsingum um staðsetningu grenja. Skulu afrit af kvittunum og útdráttur úr dagbók fylgja árlegu reikningsyfirliti til veiðistjóra, sbr. 11. gr.

### 7. gr.

1. og 2. mgr. 11. gr. orðist svo:

Uppgjörstímabil vegna refa- og minkaveiða er frá 1. september ár hvert til 31. ágúst næsta ár. Skyld er oddvitum, sveitarstjórum, bæjarstjórum og öðrum þeim, er sjá um framkvæmd refa- og minkaveiða, að senda veiðistjóra skýrslu um veiðina ásamt grenjaskrá, upplýsingum um ný greni og reikningsyfirliti innan 6 vikna frá lokum uppgjörstímabils.

Veiðistjóri endurskoðar reikninga vegna refa- og minkaveiða. Úrskurði veiðistjóri að reikningar séu réttir og hóflegir endurgreiðir ríkissjóður viðkomandi sveitarfélagi hluta kostnaðar í samræmi við auglýstar reglur um þátttöku ríkisins í refa- og minkaveiðum.

8. gr.

Reglugerð þessi sem sett er samkvæmt 7., 12. og 13. gr. laga nr. 64/1994, um vernd, friðun og veiðar á villtum fuglum og villtum spendýrum, öðlast gildi þegar við birtingu.

*Umhverfisstjórnuneytinu, 25. mars 1997.*

**Guðmundur Bjarnason.**

Magnús Jóhannesson.